

16. december 2008

Inatsisartut Forretningsorden-iani § 36 imm.1 tunngavigalugu Naalakkersuisunut apeqquteqaa-tit makkua apeqquteqaatiginiarpakka:

1. Sumummita killippa Naalakkersuisut apeqquteqaatinnut akissutiminni Kyoto-mut tunngatillugu aqutsisoqatigiinnik pilersitsisoqarnissaq, tassuunakkut qularnaarneqassalluni, Kalaallit Nunaata Danmarkimit 8%-imik annikillisitsinissamik pisussaaffini naammassissagaa, annikillisitsinerusinnaanermut periarfissanik qulaajaanissaq tamatumalu kingunerisaanik aningaasaqarniarnikkut sunniutaasinnaasut kiisalu kaammattuusiussalluni, qanoq iliorluni Kalaallit Nunaata qularnaassagaa silaannaq pillugu politikki, aningaasaqarniarnikkut, inuuniarnikkut avatangiisillu eqqarsaatigalugit piujuaannartitsisusoq? Akissummi ilanngunneqaquvoq aqutsisoqatigiinnut suleriesissaq aammattaarlu aqutsisoqatigiit suliaminnit inerniligaat.

### **Tunngavilersuut**

Sermitsiamut (Sermitsiaq nr. 46) apersorneqarluni Naalakkersuisoq Kim Kielsen tunniutiinnarpoq nassuerutingalugulu Kalaallit Nunaata CO<sub>2</sub>-mik aniatitsineq piffissami 2008-2012 1990-mut sanilliullugu 8%-mik appartinneqassasoq angujunnanngikkaa.

Kalaallit Nunaata Kyoto-mut tunngatillugu akisussaaffii pillugit apeqquteqaatinnut Naalakkersuisut 18. december 2007 ima akipput:

“Isumasioqatigiinnerup (atuaruk: silaannaq pillugu isumasioqatigiittoqarnerani oktober 2007-imi) nanginneratut isumaqatigiissutigineqarsimavoq, aqutsisoqatigiinnik pilersitsisoqarnissaa, tassuunakkut qularnaarneqassalluni, Kalaallit Nunaata Danmarkimit 8%-imik annikillisitsinissamik pisussaaffini naammassissagaa, annikillisitsinerusinnaanermut periarfissanik qulaajaanissaq tamatumalu kingunerisaanik aningaasaqarniarnikkut sunniutaasinnaasut kiisalu kaammattuusiussalluni, qanoq iliorluni Kalaallit Nunaata qularnaassagaa silaannaq pillugu politikki, aningaasaqarniarnikkut, inuuniarnikkut avatangiisillu eqqarsaatigalugit piujuaannartitsisusoq. Aqutsisoqatigiit inuttalersorneqassapput taamaalilluni qularnaarneqarluni, immikkoortortat tamarmik suliniummut ilanngussaqaarsinnaanerat. **Aqutsisoqatigiinnut suleriesissaq naatsorsuutigineqarpoq Naalakkersuisunut saqqummiunneqassasoq qaammatip**

**tulliata aallartinnerani.”**

Naalackersuisut taamatulli akimmannga ukioq ataaseq ingerlalersimammatt aqutsisoqatigiit suliaartik naammassisimassavaat tassami Naalackersuisoq Kim Kielsen maannakkut nassuerpoq Kalaallit Nunaata Kyoto-mi pisussaaffiit malissinnaanngikkai. Aqutsisoqatigiit inerniliaat takusimanngilara, taamaammatt tigunissaa qilanaaraara, uani pineqassallutik aningaasatigut kingunissat minnerunngitsumillu silaannaap allanngoriartorneranut Kalaallit Nunaata politikkeqalernissaanut siunnersuutit aningaasatigut, inunnik isumaginninnikkut avatangiisinullu imminut nappassinnaasumik qulakkeerinnittut.

Kissaatigaara apeqquteqaatit makkua ullut suliffiusut qulit qaangiutsinnagit kissuteqarfigineqassasut.

Inussiarnersumik

Marie Fleischer

Inatsisartut eqqissimatitsinermut avatangiisinullu ataatsimiititaliaani ilaasortaq.

